

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



一. 十信 – 普光明殿

本 體	佛	如來名號品
	法	四諦品
	僧	如來光明覺品
力 用	佛	菩薩明難品
	法	淨行品
	僧	賢首菩薩品



華嚴經菩薩明難品之菩薩說十方分別智之一

覺首菩薩 (南方)		爾時，文殊師利菩薩問覺首菩薩言：佛子！心性是一，云何能生種種果報？或至善趣，或至惡趣；或具諸根，或不具者；或生善處，或生惡處；端正醜陋，苦樂不同；業不知心，心不知業；受不知報，報不知受；心不知受，受不知心；因不知緣，緣不知因；智不知法，法不知智？爾時，覺首菩薩以偈答曰：
南方—— (末那識)—— 平等性智	總說	為化眾生故，乃能問斯義，諸法如實性，我說仁諦聽。
	佛	諸法不自在，求實不可得，是故一切法，二俱不相知。
	法	譬如駛水流，流流無絕已，二俱不相知，諸法亦如是。
	僧	亦如明燈焰，焰焰不暫停，二俱不相知，諸法亦如是。
	精進	亦如長風起，鼓拂生動勢，二俱不相知，諸法亦如是。
	禪定	亦如深廣地，展轉相依住，二俱不相知，諸法亦如是。
	般若	眼耳鼻舌身，心意諸情根，因此轉眾苦，而實無所轉。
	方便	法性無所轉，示現故有轉，於彼無示現，示現無所有。
	願	眼耳鼻舌身，心意諸情根，其性悉空寂，虛妄無真實。
	力	觀察正思惟，有者無所有，彼見不顛倒，法眼清淨故。
	智	虛妄非虛妄，若實若不實，世間出世間，但有假言說。
財首菩薩 (西方)		爾時，文殊師利菩薩問財首菩薩言：佛子！一切眾生、非眾生，如來云何隨眾生時、隨命、隨身、隨行、隨欲樂、隨願、隨意、隨方便、隨思惟、隨籌量、隨眾生見而教化之？爾時，財首菩薩以偈答曰：
西方—— (分別識)—— 妙觀察智	佛	明智心境界，常樂寂滅行，我今如實說，仁者善諦聽。
	法	分別觀內身，我身何所有，若能如是觀，彼達我有無。
	僧	觀身一切分，無所依止住，諦了是身者，於身無所著。
	精進	能解身如實，明達一切法，知法悉虛妄，其心無所染。
	禪定	身命相隨順，展轉更相因，猶如旋火輪，前後不可知。
	般若	智者能觀察，一切有無常，諸法空無我，則離一切相。
	方便	因緣所起業，無我猶如夢，果報性寂滅，前後無異相。
	願	一切世間法，唯以心為主，隨樂取相者，皆悉是顛倒。
	力	世間所有法，一切悉虛妄，不能解諸法，真實無有二。
	智	一切生滅法，皆悉從緣起，念念速歸滅，始終無異相。
寶首菩薩 (北方)		爾時，文殊師利問寶首菩薩言：佛子！一切眾生四大悉非我，非我所，云何眾生或受苦、受樂，或作惡、作善，或內端正、或外端正，或受少報、或受多報，或有現報、或有後報，然諸法性無善無惡？爾時，寶首菩薩以偈答言：
成所作智—— 北方——	佛	隨所行諸業，受果報亦然，造者無所有，諸佛如是說。
	法	猶如明淨鏡，隨其面像現，內外無所有，業性亦如是。
	僧	亦如田種子，各各不相知，自然能作因，業性亦如是。
	精進	亦如大幻師，在彼四衢道，示現種種色，業性亦如是。
	禪定	如匠造木人，能出種種聲，彼無我非我，業性亦如是。

華嚴經菩薩明難品之菩薩說十方分別智之二

成所作智 北方——	般若	亦如眾鳥類，出穀音不同，能作種種聲，業性亦如是。
	方便	如親因緣會，受生無來者，諸根各別異，業性亦如是。
	願	如大地獄中，眾生受苦惱，苦惱無來處，業性亦如是。
	力	亦如轉輪王，成就勝七寶，彼無所從來，業性亦如是。
	智	亦如諸世界，有成或有敗，成敗無來去，業性亦如是。
德首菩薩 (東北)		爾時，文殊師利問德首菩薩言：佛子！如來唯覺一法，云何乃說無量諸法音聲遍滿無量世界，悉能教化無量眾生，出無量聲，現無量身，了知無量眾生心意，示現無量神足自在，示現無量無邊世界，示現無量殊勝莊嚴，示現無量種種境界，而法性分別實不可得？爾時，德首菩薩以偈答曰：
東北—— 彌勒法相智	佛	佛子乃能問，甚深微妙義，智者若知此，常樂求功德。
	法	猶如地性一，能持種種物，不分別一異，諸佛法如是。
	僧	猶如火性一，能燒世間物，火性無分別，諸佛法如是。
	精進	猶如大海水，注以百川流，其味無別異，諸佛法如是。
	禪定	猶如風性一，吹動一切物，風性無分別，諸佛法如是。
	般若	猶如龍雷震，普雨一切地，雨滄無分別，諸佛法如是。
	方便	猶如大地一，能生種種芽，地性無別異，諸佛法如是。
	願	猶日無雲暝，普能照十方，光明無異性，諸佛法如是。
	力	猶如空中月，世間靡不見，非至一切處，諸佛法如是。
	智	猶如大梵王，普應現大千，其身無別異，諸佛法如是。
目首菩薩 (東南)		爾時，文殊師利問目首菩薩言：佛子！如來福田等一無異，云何布施果報不同？有種種色、種種性、種種家、種種根、種種財、種種奇特、種種眷屬、種種自在、種種功德、種種慧，如來平等無有怨親？爾時，目首菩薩以偈答曰：
東南—— 普賢法界智	佛	譬如大地一，能生種種芽，於彼無怨親，佛福田亦然。
	法	譬如水一味，因器故不同，諸佛福田一，眾生故有異。
	僧	譬如大幻師，能令眾歡喜，諸佛聖福田，隨願令欣悅。
	精進	譬如辯才王，能令眾歡喜，諸佛聖福田，令眾生悅樂。
	禪定	譬如明淨鏡，隨對現眾像，諸佛聖福田，眾生故有異。
	般若	譬如大藥王，消滅一切毒，諸佛聖福田，能滅煩惱患。
	方便	譬如日出時，能除一切闇，諸佛聖福田，普照十方界。
	願	譬如淨滿月，普照四天下，諸佛聖福田，平等無偏黨。
	力	譬如毘嵐風，震動一切地，諸佛聖福田，能動三界有。
	智	譬如火劫起，天地靡不燒，諸佛聖福田，能燒一切有。
進首菩薩 (西南)		爾時，文殊師利問進首菩薩言：佛子！眾生為見如來教斷諸煩惱耶？為知色、受、想、行、識、欲界、色界、無色界、癡、愛，斷諸煩惱耶？若知色、受、想、行、識、欲界、色界、無色界、癡、愛，斷諸煩惱者，如來教法何所增損？爾時，進首菩薩以偈答曰：

華嚴經菩薩明難品之菩薩說十方分別智之三

西南 — 文殊應用智	佛	佛子善諦聽，我說如實義，或有速出要，或有難解脫，
	法	若欲求除滅，無量諸過惡，應當一切時，勇猛大精進。
	僧	譬如微小火，樵濕則能滅，於佛教法中，懈怠者亦然。
	精進	譬如人鑽火，未出數休息，火勢隨止滅，懈怠者亦然。
	禪定	譬如淨火珠，離緣而求火，畢竟不可得，懈怠者亦然。
	般若	譬如明淨日，閉目求見色，於佛教法中，懈怠者亦然。
	方便	譬人無手足，欲射過大地，永不從彼意，懈怠者亦然。
	願	譬如大海水，一毛滄求盡，於佛教法中，懈怠者亦然。
	力	譬如火劫起，欲以少水滅，於佛教法中，懈怠者亦然。
	智	譬人見虛空，便言我身滿，於佛教法中，懈怠者亦然。
法首菩薩 (西北)		爾時，文殊師利問法首菩薩言：佛子！如佛所說，聞受法者能斷煩惱，云何眾生等聞正法而不能斷隨婬、怒、癡、隨慢、隨愛、隨忿、隨慳嫉、隨恨、隨諂曲，是諸垢法，悉不離心，心無所行，能斷結使？爾時，法首菩薩以偈答曰：
西北 — 觀音方便智	佛	佛子善諦聽，所問如實義，非但積多聞，能入如來法。
	法	譬人水所漂，懼溺而渴死，不能如說行，多聞亦如是。
	僧	譬人大惠施，種種諸肴膳，不食自餓死，多聞亦如是。
	精進	譬如有良醫，具知諸方藥，自疾不能救，多聞亦如是。
	禪定	譬如貧窮人，日夜數他寶，自無半錢分，多聞亦如是。
	般若	譬如帝王子，應受無極樂，業障故貧苦，多聞亦如是。
	方便	譬如聾聵人，善奏諸音聲，悅彼不自聞，多聞亦如是。
	願	譬如盲瞽人，本習故能畫，示彼不自見，多聞亦如是。
	力	譬如海導師，能度無量眾，拯彼不自濟，多聞亦如是。
	智	譬人處大眾，善說勝妙事，內自無實德，多聞亦如是。
智首菩薩 (下方)		爾時，文殊師利問智首菩薩言：佛子！於佛法中智慧為首，如來何故或為眾生讚歎檀波羅蜜、尸波羅蜜、羼提波羅蜜、毘梨耶波羅蜜、禪波羅蜜、般若波羅蜜、慈、悲、喜、捨，此一一法皆不能得無上菩提？爾時，智首菩薩以偈答曰：
下方 — 法性智	佛	難知而能知，隨順眾生心，佛子所問義，諦聽我今說。
	法	過去未來世，現在諸導師，未曾以一法，得成無上道。
	僧	如來知眾生，本性所修習，善順應度者，為說淨妙法。
	精進	慳者讚布施，毀禁讚持戒，瞋恚讚忍辱，懈怠讚精進，
	禪定	亂意讚禪定，愚癡讚智慧，不仁讚慈愍，怒害讚大悲，
	般若	憂惑為讚喜，憎愛為讚捨，如是修習者，漸解一切法。
	方便	譬如造宮室，起基令堅固，施戒亦如是，菩薩眾行本。
	願	譬如牢堅城，防禦諸敵難，忍進亦如是，防護諸菩薩。
	力	譬如大力王，威德定天下，禪智亦如是，安隱諸菩薩。
	智	譬如轉輪王，具受一切樂，四等亦如是，安樂諸菩薩。

華嚴經菩薩明難品之菩薩說十方分別智之四

賢首菩薩 (上方)		爾時，文殊師利問賢首菩薩言：佛子！一切諸佛唯以一乘得出生死，云何今見一切佛刹事事不同？所謂：世界、眾生、說法、教化、壽命、光明、神力、眾會、佛法、法住，如是等事，皆悉不同，無有不具一切佛法，而能成就無上菩提？爾時，賢首菩薩以偈答曰：
上方 — 法界智	佛	文殊法常爾，法王唯一法，一切無礙人，一道出生死，
	法	一切諸佛身，唯是一法身，一心一智慧，力無畏亦然。
	僧	隨眾生本行，求無上菩提，佛刹及眾會，說法悉不同。
	精進	一切諸佛刹，平等普嚴淨，眾生業行異，所見各不同。
	禪定	諸佛及佛法，眾生莫能見，佛刹法身眾，說法亦如是。
	般若	本行廣清淨，具足一切願，彼人見真實，明達知見者。
	方便	隨順眾生欲，諸業及果報，各令見真實，佛力自在故。
	願	佛刹無異相，如來無憎愛，隨彼眾生行，自得如是見。
	力	非是一切佛，安住導師咎，無量諸世界，示現見不同。
	智	一切諸世界，所應受化者，常見人中雄，諸佛法如是。
文殊菩薩 (東方)		爾時，諸菩薩謂文殊師利言：佛子！我等所解，各各已說，仁者辯才深入，次應敷演，何等是佛境界？何等是佛境界因？何等是佛境界所入？何等是佛境界所度？何等是佛境界隨順知？何等是佛境界隨順法？何等是佛境界分別知？何等是識佛境界？何等是決定知佛境界？何等是佛境界照？何等是佛境界廣？爾時，文殊師利以偈答曰：
東方 — 大圓鏡智	佛	如來深境界，其量齊虛空，一切眾生入，真實無所入。
	法	如來境界因，唯佛能分別，自餘無量劫，演說不可盡。
	僧	隨順眾生故，普入諸世間，智慧常寂然，不同世所見。
	精進	度脫諸群生，隨順其心智，宣暢無窮盡，唯是佛境界。
	禪定	如來一切智，三世無障礙，諸佛妙境界，皆悉如虛空。
	般若	法界無異相，隨順眾生說，若欲具分別，唯佛之境界。
	方便	一切諸世間，無量眾音聲，隨時悉了知，其實無分別。
	願	非識所能識，亦非心境界，自性真清淨，能示諸群生。
	力	非業非煩惱，寂滅無所住，無明無所行，平等行世間。
	智	一切眾生心，普在三世中，如來於一念，一切悉明達。
世界悉如是		爾時，此娑婆世界眾生，佛神力故，見此佛刹一切眾生，如所行法，如所行業，如世間行，隨身所行，隨根所行，隨其行報所生之處，持戒毀禁，說法果報，如是世界中事，一切悉見。
		如是東方百千億世界，不可量、不可數、不可思議、不可稱、無等、無邊、無分齊、不可說虛空、法界等一切世界，乃至說法果報，一切悉見；南、西、北方，四維，上、下，亦復如是。